



Broj: 02-04-29/21-AP-9
Datum: 25.02.2021. godine

Na osnovu člana 13. Poslovnika o radu Privrednog savjeta Općine Zavidovići broj: 02-05-1818-AP-12 od 30.06.2017. godine, na ponovljenoj 12. sjednici Privrednog savjeta Općine Zavidovići, koja je održana 25.02.2021. godine u Velikoj sali zgrade Općine Zavidovići sa početkom u 10:20 sati, sastavljam

ZAPISNIK

Na sjednici Privrednog savjeta prisutni su: Općinski načelnik Dr. sci. Hašim Mujanović, Remzo Sinanović, Aldin Šušić, Sabahudin Horozović, Enesa Bukvić, Slađan Ilić, Admir Bajraktarević i Amir Omerašević.

Na sjednici Privrednog savjeta nisu prisutni: Džeraldina Miličević, Mrahorović Kemal, Nakib Vuković, Hasaković Mustafa, Ramo Imamović, Benjamin Mujanović i Denis Marušić.

Prisutni stručni saradnici Privrednog savjeta Općine Zavidovići: Almir Mustafić, Amira Tadić, Izet Bašić i Idriz Alihodžić.

Nije bilo odsutnih stručnih saradnika Privrednog savjeta Općine Zavidovići.

Zapisnik vodila Fatima Merdanović.

Konstatuje se da je na sjednici prisutno 8 članova Privrednog savjeta od ukupno 15 članova, od čega 2 člana iz ne javnog sektora.

Konstatuje se da je prisutan potreban broj članova Privrednog savjeta da bi se moglo punovažno raspravljati i odlučivati, kako je propisano članom 7. Poslovnika o radu Privrednog savjeta Općine Zavidovići, odnosno potrebno je prisustvo najmanje 8 članova.

Općinski načelnik Dr. sci. Hašim Mujanović predlaže sljedeći dnevni red sa dopunom (6. tačke dnevnog reda). Tačke 8. i 9. poslane naknadno članovima na izjašnjenje putem e-maila):

- 1) Nacrt Budžeta općine Zavidovići za 2021. godinu,
- 2) Nacrt Odluke o izvršenju Budžeta općine Zavidovići za 2021. godinu,
- 3) Prijedlog Odluke o izmjeni Odluke o administrativnim taksama Općine Zavidovići,
- 4) Informacija o poticajima i investicijama u poljoprivredi tokom 2020. godine, sa akcentom na redovne poticaje u poljoprivredi,
- 5) Pripreme za izradu Izvještaja o realizaciji zaključaka Privrednog savjeta općine Zavidovići,
- 6) Analiza ankete privrednih subjekata općine Zavidovići,
- 7) Plan kapitalnih investicija Općine Zavidovići za period 2021.-2025. godina,
- 8) Akcioni plan realizacije Strategije integriranog razvoja općine Zavidovići za period 2017.-2026. za 2021. godinu,
- 9) Razno.

Dnevni red se stavlja na diskusiju i pozivaju se članovi Privrednog savjeta da predlože izmjenu ili dopunu predloženog dnevnog reda.

Dnevni red se usvaja jednoglasno bez izmjena i dopuna i prelazi se na rad po istom.

Općinski načelnik Dr. sci. Hašim Mujanović daje riječ izvjestiocu po prvoj tački dnevnog reda.

1. tačka dnevnog reda Nacrt Budžeta općine Zavidovići za 2021. godinu

Izjavitelj Amira Tadić iznosi pojašnjenja i dodatne informacije po ovoj tački dnevnog reda. Izjavitelja da je Nacrt Budžeta upućen na javnu raspravu koja je trajala do 15.02.2021. godine. Govori o prihodima i rashodima, iznosi određene cifre vezane za prihode i rashode.

Nakon izlaganja izvjestioca Općinski načelnik Dr. sci. Hašim Mujanović otvara diskusiju po ovoj tački dnevnog reda.

U diskusiju su se uključili: Općinski načelnik Dr. sci. Hašim Mujanović, Amira Tadić, Sabahudin Horozović, Slađan Ilić, Remzo Sinanović, Admir Bajraktarević i Enesa Bukvić.

- Admir Bajraktarević: Mala sredstva predviđena za projekte koji se finansiraju iz drugih izvora.
- Enesa Bukvić: Fond za poticaje - smatra da je malo predviđeno, smatra da će se sada poduzetnice više prijavljivati.
- Amira Tadić: Navodi da smo u jeku pandemije, ukoliko bi bilo više prijava tražit će se prioriteta.
- Almir Mustafić: Ovo su poticaji općinskog nivoa, a bit će poticaja i sa viših nivoa.
- Općinski načelnik Dr. sci. Hašim Mujanović: Smatra da je sugestija na mjestu, ali da nešto postoji zašto se nisu prijavljivali do sada. Plan je da se oblikuju kriteriji za raspodjelu sredstava. Rukovodit će se zakonom.
- Aldin Šušić: Navodi da je 90% refundacija sredstava.
- Općinski načelnik Dr. sci. Hašim Mujanović: Navodi da plan mora biti, i da je tu Služba za upravu ekonomskih poslova i poduzetništva, te da bi volio da se privrednici udruže. Cilj je da se potakne ono što je prioritarnije.
- Sabahudin Horozović: Transfer za privredu, što se tiče interesa jako izražen. Pored općinskih poticaja imaju i kantonalni i federalni. Sredstva budu odmah utrošena, navodi podatke. Ističe da je velika zainteresovanost za registraciju START – UP preduzeća. Problem planirana sredstva, više primamljiva sa kantonalnog nivoa nego sa općinskog.
- Općinski načelnik Dr. sci. Hašim Mujanović: Kada su u pitanju poljoprivredni poticaji – poželjno bi bilo da se otvaraju poljoprivredni obrti.
- Admir Bajraktarević: Turizam ne vidi u Budžetu.
- Općinski načelnik Dr. sci. Hašim Mujanović: Lokalna samouprava u lokalnoj zajednici oslonjena sama na sebe. Kroz Tajan prolazi regionalna cesta za koju su nadležni drugi.
- Admir Bajraktarević: Predlaže da se osnuje Turistički savez, da se napravi tijelo koje bi utvrdilo pravac djelovanja.
- Almir Mustafić: Bez razvoja putne infrastrukture nema turizma.
- Slađan Ilić: Navodi primjer neplaćanja smještaja.
- Općinski načelnik Dr. sci. Hašim Mujanović: Postavlja pitanje o rampama, koje su prepreka prolaska do određenih mjesta.
- Admir Bajraktarević: Navodi puteve gdje su rampe, ostali putevi su šumski. Rampe sprečavaju krađu šume. Putevi nisu lokalni i regionalni.
- Remzo Sinanović: Put za Botašnicu smatra da nije šumski. Povećava se broj rampi. Ukoliko se želimo baviti turizmom smatra da se mora formirati agencija ili nešto drugo.

Zaključak: Prihvata se Nacrt Budžeta općine Zavidovići za 2021. godinu.

Zaključak je usvojen jednoglasno.

2. tačka dnevnog reda Nacrt Odluke o izvršenju Budžeta općine Zavidovići za 2021. godinu

Izjavitelac Amira Tadić iznosi pojašnjenja i dodatne informacije po ovoj tački dnevnog reda. Navodi da je Odluka pravni osnov izvršavanja Budžeta. Ne može se posmatrati odvojeno od Nacrta Budžeta.

Nakon izlaganja izvjestioca Općinski načelnik Dr. sci. Hašim Mujanović otvara diskusiju po ovoj tački dnevnog reda.

Po ovoj tački dnevnog reda nije bilo diskusije.

Zaključak: Prihvata se Nacrt Odluke o izvršenju Budžeta općine Zavidovići za 2021. godinu.

Zaključak je usvojen jednoglasno.

3. tačka dnevnog reda Prijedlog Odluke o izmjeni Odluke o administrativnim taksama Općine Zavidovići

Izjavitelac Idriz Alihodžić iznosi pojašnjenja i dodatne informacije po ovoj tački dnevnog reda. Navodi da se izvršila korekcija Odluke sa 50 KM na 5 KM. Navodi da će Odluka možda pretrpjeti i druge izmjene.

Nakon izlaganja izvjestioca Općinski načelnik Dr. sci. Hašim Mujanović otvara diskusiju po ovoj tački dnevnog reda.

U diskusiju su se uključili: Općinski načelnik Dr. sci. Hašim Mujanović, Almir Mustafić, Slađan Ilić i Admir Bajraktarević.

- Admir Bajraktarević: To je Privredni savjet predložio i to je to.
- Općinski načelnik Dr. sci. Hašim Mujanović: Privredni sektor može uticati na neke stvari. Žali zbog nezainteresovanosti.
- Almir Mustafić: Anomalija – Zakon o privrednim društvima – privredna društva dužna obavijestiti općinu o početku rada. Navodi primjer.
- Admir Bajraktarević: Daje prijedlog vezan za ovjeru, navodi primjedbu privrednika, postavlja pitanje ubrzanja ovjere privrednicima zbog dugog čekanja.
- Slađan Ilić: Navodi primjer banke kako se funkcioniše.

Zaključak: Prihvata se Prijedlog Odluke o izmjeni Odluke o administrativnim taksama Općine Zavidovići

Zaključak je usvojen jednoglasno.

4. tačka dnevnog reda Informacija o poticajima i investicijama u poljoprivredi tokom 2020. godine, sa akcentom na redovne poticaje u poljoprivredi

Izvjestilac Izet Bašić iznosi pojašnjenja i dodatne informacije po ovoj tački dnevnog reda. Objavio se javni poziv za sve koji su željeli da se prijave i bave poljoprivredom. Imali smo i redovne poticaje te jedan projekt u kojem nismo učestvovali u finansiranju ali se učestvovalo u organizaciji. Dostavljen spisak svih onih koji su ostvarili prava na poticaje prema javnom pozivu.

Nakon izlaganja izvjestioca Općinski načelnik Dr. sci. Hašim Mujanović otvara diskusiju po ovoj tački dnevnog reda.

U diskusiju su se uključili: Općinski načelnik Dr. sci. Hašim Mujanović i Enesa Bukvić.

- Općinski načelnik Dr. sci. Hašim Mujanović: Izdvojeno za poljoprivredu mnogo više sredstva nego što je to do sada bilo.

- Enesa Bukvić: Smatra da treba stanovništvo animirati za bavljenje poljoprivredom, još ako se može imati i stručna pomoć.

Zaključak: Prihvata se Informacija o poticajima i investicijama u poljoprivredi tokom 2020. godine, sa akcentom na redovne poticaje u poljoprivredi.

Zaključak je usvojen jednoglasno.

5. tačka dnevnog reda Pripreme za izradu Izvještaja o realizaciji zaključaka Privrednog savjeta općine Zavidovići

Izvjestilac Almir Mustafić iznosi pojašnjenja i dodatne informacije po ovoj tački dnevnog reda. Navodi da je priprema Izvještaja dostavljena Privrednom savjetu u vidu informacije, ukoliko bi neko imao nešto dodati na prethodno donesene zaključke da može iznijeti svoj stav, prijedlog...

Nakon izlaganja izvjestioca Općinski načelnik Dr. sci. Hašim Mujanović otvara diskusiju po ovoj tački dnevnog reda.

Po ovoj tački dnevnog reda nije bilo diskusije.

Zaključak: Prihvata se Priprema za izradu Izvještaja o realizaciji zaključaka Privrednog savjeta općine Zavidovići.

Zaključak je usvojen jednoglasno.

6. tačka dnevnog reda Analiza ankete privrednih subjekata općine Zavidovići

Izvjestilac Aldin Šušić iznosi pojašnjenja i dodatne informacije po ovoj tački dnevnog reda. Privrednici kažu da nemaju dovoljno informacija, nisu zainteresovani za anketu. Od svih anketiranih bilo 30-40% privrednika. Što se tiče saradnje sa općinom saradnja se povećala. Navodi neke informacije iz ankete.

Nakon izlaganja izvjestioca Općinski načelnik Dr. sci. Hašim Mujanović otvara diskusiju po ovoj tački dnevnog reda.

U diskusiju su se uključili: Općinski načelnik Dr. sci. Hašim Mujanović, Slađan Ilić i Enesa Bukvić.

- Slađan Ilić: Navodi neka iskustva, da se radilo online. Kada se više uzoraka radi najbolje lično otići.
- Aldin Šušić: Navodi preduzeće u kojima odmah dostave odgovore, smatra da u njima postoji sistem.
- Enesa Bukvić: Anketa u ENA-TEXU nije rađena.
- Općinski načelnik Dr. sci. Hašim Mujanović: Privrednici ne shvataju smisao provođenja anketa.

Zaključak: Prihvata se Analiza ankete privrednih subjekata općine Zavidovići

Zaključak je usvojen jednoglasno.

7. Plan kapitalnih investicija Općine Zavidovići za period 2021.-2025. godina (Članovima Privrednog savjeta dostavljen materijal naknadno putem e-maila)

Komentar dostavio Admir Bajraktarević a ostali članovi su saglasni sa sadržajem materijala.

- Admir Bajraktarević: Nije planirana sanacija- asfaltiranje dijela lokalnog puta Kamenica - Mitrovići koji je jako značajan za razvoj turizma.

Zaključak: Prihvata se Plan kapitalnih investicija Općine Zavidovići za period 2021.-2025. godina.

Zaključak je usvojen jednoglasno.

8. Akcioni plan realizacije Strategije integriranog razvoja općine Zavidovići za period 2017.-2026. za 2021. godinu (Članovima Privrednog savjeta dostavljen materijal naknadno putem e-maila)

Komentara po ovoj tački dnevnog reda nije bilo, svi članovi su saglasni sa sadržajem materijala.

Zaključak: Prihvata se Akcioni plan realizacije Strategije integriranog razvoja općine Zavidovići za period 2017.-2026. za 2021. godinu.

Zaključak je usvojen jednoglasno.

9. Razno

Po ovoj tački dnevnog reda nije bilo diskusije.

Sjednica Privrednog savjeta završena u 12:55 sati.

ZAPISNIK SAČINILA

Fatima Merdanović

ZAPISNIK OVJERAVA PREDSDJEDNIK
PRIVREDNOG SAVJETA

Dr. sci. Hašim Mujanović